

欽定吏部銓選則例

欽定吏部銓選滿洲官員則例卷之三目錄

揀選

國子監司業

唐古忒學司業

戶部三庫並工部節慎等庫官員

○調補戶部三庫郎中等

官○調補工部節慎等庫郎中等官

步軍統領衙門郎中等缺

起居注主事

六部理藩院漢軍堂主事

欽定吏部則例

卷之三

內閣侍讀

○陞補內閣滿洲蒙古漢軍侍讀○
特用侍讀補用班次並赴閣行

走○捐復侍讀補用班次

內閣中書

○陞補內閣滿洲中書○陞補內閣
蒙古中書○陞補內閣漢軍中書○

擬補中書未經引

見出缺

陵寢關防郎中

理藩院堂主事

侍衛衙門主事

京學教授訓導

助教教習

○考補國子監助教○盛京禮部
助教考補並期滿候陞○考補唐古

武學助教論俸候陞○咸安宮教習考取
擬補○考補國子監蒙古助教○天文生充
補教習期滿
陞補博士

吉林助教

理藩院等衙門司庫

太常寺寺丞

贊禮郎等缺○揀補太常寺等衙門贊讀等官
缺○揀補太常寺學習贊讀等官

讀祝等官

戶部三庫並寶泉寶源局大使

盛京等部司庫

刑部司獄並提牢官

○揀補司獄期滿候陞。
揀補提牢期滿陞補

內務府官員

欽天監所屬官員

太僕寺主簿

王府官員照咨補授

五旗固山達照咨補授

盛京刑部蒙古主事

盛京將軍等衙門主事

黑龍江將軍衙門理刑員外郎等缺

盛京刑部司獄

熱河都統衙門辦事司員

吉林將軍衙門理刑司掌印司員

游牧員外郎主事等官陞轉

驛站監督

調補驛站官員

驛站官員

威遠堡等關口章京

盛京銀庫監督

盛京銀庫副關防

壇

廟等處守看官

盛京各處六品官論俸

○陞補大政殿六品官
論俸候陞主事○管莊六

品官委署六品官○陞補盛京禮部六七
品官○陞補盛京工部五品官○陞補

盛京工部

六品官

奉天等處倉屯等官

各處新疆辦事司員

○揀派北路烏里雅蘇臺
內閣等處章京○陞補南

路回疆各城章京○陞補西路伊犁等處章
京○保送新疆章京由各衙門現在筆帖式

按缺保送。烏里雅蘇臺等處章京期滿引

見○駐防筆帖式陞補章京期滿引

見○廢員陞補章京期滿引見○郎

中等官揀派章京仍戴原銜由筆帖式廢員

派往戴六品頂戴回

至內地仍戴原銜

庫倫印房司員暫戴翎銜

奏派揀選各堂官即日赴挑

各衙門開送奏派堂銜

欽定吏部銓選滿洲官員則例卷之三

揀選

國子監司業

一國子監滿洲司業員缺

專用文班照侍講洗馬之

例先儘編修檢討出身之中允贊善並現任

編修檢討論俸擬正陪如無人將外班應陞

及其次應陞各官

各項應陞官詳載品級考

先儘庶吉士

出身人員次儘進士出身人員再用舉人出

身人員出身既同則以科分甲第爲先後擬

定正陪帶領引

見毋庸奏請

欽派揀選儻遇應陞之員並無甲班應用舉人或甲班祇有一人應以舉人擬陪時傳令該員赴部驗看儻科分在先之員年力衰邁不稱翰詹之職卽行扣除將其次之人擬用仍於引見摺內聲明又蒙古司業員缺吏部咨取各部院衙門將現任蒙古郎中員外郎全行咨送俟送齊後應否考試或奏請

欽派揀選奏明請

旨如奉

旨考試吏部將應考各員奏請定期在

殿廷考試由

欽派閱卷大臣擬定等第交與吏部帶領引

見請

旨記名遇有缺出開單請

旨簡放如奉

旨揀選吏部傳齊各部院咨送之現任蒙古郎中員

外郎將九卿及理藩院堂官職名奏派揀選
能繙譯蒙古文藝通曉滿洲蒙古字話者四
五員吏部帶領引

見恭候

簡用

道光二十五年七月奉

上諭此次考試國子監蒙古司業所有取列二等三等
各員著吏部帶領此外不能繙譯蒙古文字各員毋
庸帶領因思蒙古人員於繙譯文字俱應勤加肄業

何以應試二十三員內能繙譯者僅有十二人其平日不知練習已可概見此次姑免深究嗣後各部院蒙古人員務當於辦公之暇講求繙譯儻遇考試時再有不能繙譯者朕必將該員等從嚴議處決不寬貸欽此欽遵恭纂入例

唐古忒學司業

一唐古忒學蒙古司業由理藩院於唐古忒學助教中書內揀選擬定正陪咨送吏部帶領引

見補授

欽定吏部則例

卷之三

銓選滿洲官員

三

戶部三庫並工部節慎等庫官員

調補戶部三庫郎中等官

一戶部三庫官員三年一次更換郎中員外郎
缺出由該衙門行文內閣宗人府各部院於
宗室司員滿洲郎中員外郎侍讀內揀選潔
已奉公辦事勤慎之員保送三庫檔房主事
缺出亦由戶部行文宗人府各部院於宗室
主事經歷滿洲主事內揀選各保送一員該
衙門帶領引

見調補所遺員缺卽將年滿庫官轉補其有缺分不
相當者亦令暫行轉補俟在京有對品相當
缺出不論雙單月吏部卽行具題坐補將所
遺之缺再行開選如由內閣侍讀補放者卽
授爲員外郎所遺侍讀員缺由內閣照例揀
選引

見補授其三庫郎中員外郎主事有將宗室司員並
內閣侍讀調補者年滿之員掣籤令其分部
行走遇有在京員缺不入月分卽行補用三

庫司庫員缺亦由戶部行文各衙門除太常寺贊禮郎讀祝官鴻臚寺鳴贊國子監監丞助教博士欽天監靈臺郎詹事府主簿光祿寺署丞太僕寺主簿內閣典籍不准調補毋庸保送外其刑部工部理藩院太常寺光祿寺司庫通政使司知事經歷大理寺評事太常寺博士典簿中書科中書內閣中書光祿寺典簿俱准保送該衙門帶領引

見調補各以原銜辦理司庫事務由庫換出之司庫

亦各以原銜辦理所換官員事務俱令其仍食本身原俸

調補工部節慎等庫郎中等官

一工部節慎庫郎中員外郎製造庫郎中各員缺由工部將本部郎中員外郎揀選保題引

見調補其製造庫員外郎員缺吏部照例陞選

步軍統領衙門郎中等缺

一步軍統領衙門額設郎中一員員外郎主事各二員司務一員均作爲題缺郎中坐辦署

中事務遇有缺出由員外郎內揀選員外郎
員缺由主事內揀選主事員缺由司務筆帖
式內揀選司務員缺由筆帖式內揀選各擬
定正陪咨送吏部查覈後由步軍統領衙門
帶領引

見補授其由各衙門現任筆帖式調補步軍統領衙
門額設學習筆帖式尙未補授該衙門實缺
人員有因勞績保舉以該衙門何官補用查
非應陞之階並保舉作爲該衙門以何官補

用均應開缺候補之員查其所保班次係應

以題選之缺統補

查其行走未滿十年俟扣滿年限方准酌量補用

遇有缺出准該堂官酌量如堪勝任卽行擬

補毋庸另擬正陪至所保班次僅係選缺補

用並無兼補題缺字樣應俟保案覈准開缺

後卽行離署另以額設選缺衙門掣分行走

俟掣分到署後按其所保班次歸於勞績遇

缺儘先班內遇有留補選缺按班補用至該

衙門實缺人員內有保舉以本衙門員缺陞

用補用查係應陞之階無作爲字樣不應開缺候補之員並因俸次將陞奏留本衙門補用者遇有應陞缺出仍與應陞人員由該堂官一體酌量揀選擬定正陪陞用不得因有保留陞案先儘揀選

起居注主事

一

起居注滿洲主事二缺令該堂官於本衙門筆帖式內揀選保舉帶領引

見補授

六部理藩院漢軍堂主事

一六部理藩院漢軍堂主事員缺令各部院衙門將熟習繙譯之

京察一等應陞主事人員出具考語保送吏部如無一等之員將二等保送由吏部將九卿並該衙門堂官職名開列奏派揀選擬定正陪交與吏部帶領引

見補授揀選補放五缺後將繙譯舉人出身之漢軍

欽定吏部則例卷之三 銓選滿洲官員七

中書筆帖式論俸陞用一員

內閣侍讀

陞補內閣滿洲蒙古漢軍侍讀

一滿洲侍讀員缺先由內閣將勞績人員按保
舉班次奉

旨日期先後指擬一人咨送吏部帶領引

見補授一次再有缺出由內閣於滿洲典籍中書內
揀選一次蒙古侍讀員缺亦先用勞績一次
再由蒙古中書內揀選一次漢軍侍讀員缺

先用勞績一次再由漢軍典籍中書內揀選

一次

勞績人員按保舉奉

旨日期先後

先用遇缺卽補俟遇缺無人再用儘先如保舉日期相同論俸序補俸次又復相同舉定名次先後補用揀選人員均先儘中書

任內

京察

輪用揀選時每缺揀選二員擬

定正陪出具考語咨送吏部引

見補授

特用侍讀補用班次並赴閣行走

一奉

特旨以內閣侍讀補用人員如係滿洲人員俟內閣

欽定吏部則例

卷之三

銓選滿洲官員八

滿洲侍讀不論雙單月題補五缺之後補用
一人如係蒙古漢軍人員不論雙單月遇有
蒙古漢軍侍讀缺出准其先用俱准其先赴
內閣行走

捐復侍讀補用班次

一內閣滿洲侍讀緣事降革捐復原官者俟該
員捐復銀兩上庫引

見奉

旨准其捐復後積缺起不論雙單月俟該衙門題補

五人之後將指復之員補用一人

內閣中書

陞補內閣滿洲中書

一滿洲中書七十缺

每旗七缺內滿本堂清字中書四缺漢本堂繙譯中

書三缺八旗共五十六缺其餘十四缺定爲八旗公缺滿本堂七缺漢本堂七缺

缺由內閣於貼寫中書內按旗每缺揀選二

員如遇本旗無人准於八旗年久貼寫中書

內通行論俸至現任中書緣事降革後經開

復中書者與貼寫中書分班輪用遇有本堂

本旗中書缺出用貼寫一人開復一人其公
缺中書按旗輪補遇有缺出由內閣行文吏
部轉咨該旗除曾經考取候補貼寫中書以
及別項考取候補者不准開送外應專以閒
散文舉人繙譯舉人與該旗貼寫中書一同
考試繙譯
清字擇其佳者錄取二人擬定正陪咨
送吏部帶領引

見補授其各館議敘以本旗中書卽行坐補及分缺
開用人員如遇公缺仍與該旗閒散文舉人

繙譯舉人一同考試如將議敘之員考補者其議敘之處照例改爲級紀除由各項小京官轉補司庫年滿與中書對調者調補何堂卽專候本堂本旗之缺調還外其由中書出身之司庫調回中書並丁憂回京之通判仍以中書補用者仍按其從前考取清字者准以滿本堂不論旗分先行借補如係考取繙譯者准以漢本堂不論旗分先行借補各俟有本堂本旗之缺卽行調還其滿洲文進士奉

旨以中書用者俟內閣補用貼寫中書一缺之後無

論滿漢本堂不論旗分將滿洲進士補用一

人俟有本堂本旗中書缺出卽行調還至議

敘以內閣中書遇缺卽補者

惟館議敘有卽補

班應俟各本旗中書缺出先用各項應補一

人次用議敘卽補一人

議敘卽補之員如上次已用過正班應補

人員奉

旨後遇缺卽准其補用毋庸再積止班應補之缺

相開輪用其

議敘分缺閒用者

各館議敘祇有閒用班

如議敘奉

旨日期在卽補之前用各項應補一人議敘卽補一

人再用各項應補一人將議敘分缺閒用人員用一人其議敘閒用人員奉

旨日期在卽補之後或係同日奉

旨者均俟卽補人員按班班次詳載本例用完後再將議敘

分缺閒用人員按班補用議敘閒用人員輪用到班時查其議

敘奉旨後積過正其援例捐復人員祇

准以各本堂本旗之缺於各項人員補用二

缺之後補用一人

陞補內閣蒙古中書

一蒙古中書缺出先由內閣於貼寫中書內每缺論俸擬定正陪咨送吏部引

見補授次由吏部將應用之現任蒙古筆帖式並文舉人繙譯舉人出身之候補候選筆帖式及閒散文舉人繙譯舉人不論旗分一同移送內閣考試擬定正陪交與吏部引

見補授

由理藩院等衙門筆帖式考取者遇應陞仍以理藩院等衙門陞用由吏部等衙門筆帖式考取者遇應陞仍以其有現任蒙古中書緣以吏部等衙門陞用其有現任蒙古中書緣事降革後經開復原官者歸於考班之後補

用一人蒙古教習期滿並各館議敘以小京

官用者歸於開復班之後補用一人

如開復無人於

考班之統計補用五缺後將降調人員補用

一員

如降王從六品以原銜借補中書仍以原銜陞轉

蒙古文進士奉

旨以中書用者俟蒙古中書貼寫考取降調教習議

敘開復各項補用二缺之後將蒙古進士補

用一人至蒙古中書如有奉

特旨卽用人員先儘補用不積班次其議敘以內閣

蒙古中書遇缺卽補者

惟

議敘有卽補班次應

欽定吏部則例

卷之三

銓選滿洲官員

主

俟蒙古中書缺出先用各項正班一人次用

議敘卽補一人

議敘卽補之員如上次已用過正班應補人員奉

旨

後遇缺卽准其補用毋庸再積正班應補之缺相閒輪用其議敘分

缺閒用者

各館議敘祇有閒用班

如議敘奉

旨日期在卽補之前用各項正班一人議敘卽補一

人再用各項正班一人將議敘分缺閒用人

員用一人其議敘閒用人員奉

旨日期在卽補之後或係同日奉

旨者均俟卽補人員接班用完後再將議敘分缺閒

用人員接班補用

議敘閒用人員輪用到班時查其議敘奉旨後

積過正班之缺者方准補用

再唐古忒中書四缺如遇缺

出先將喇嘛印務筆帖式補用一人次將由

載學藝回京之唐古忒學學生連用二人再

將理藩院筆帖式補用一人分班輪用

陞補內閣漢軍中書

一漢軍中書員缺先由吏部將勞績人員按保

舉班次及奉

旨日期先後指擬一人引

見補授一次

先用遇缺卽補俟遇缺卽補無人再用儘先之員

次由吏部咨

取各部院衙門將現任漢軍筆帖式除現有
事故各員外全行咨送並行文漢軍各旗將
由文舉人繙譯舉人出身之候補候選筆帖
式及閒散文舉人繙譯舉人一體移送內閣
考試僅有臨時無故不到者卽移送各衙門及各該旗由該堂官都統確實查明如有捏飾情事將各該員指名參辦以杜弊竇俟取定後咨送吏部
註冊遇有缺出吏部照取定名次先後列爲

正陪引

見補授一次其由漢軍現任中書緣事降革後本案
開復應歸卽用班內補用如係另案開復俟
考班補用一人之後補用至降調應以中書
補用無論是否積缺統計五缺之後補用其
漢軍文進士奉

旨以中書用俟考取中書補用二缺後補用一人援
例降捐以中書補用俟漢軍考取中書文進
士補用二缺之後補用一人至蒙古漢軍援
例捐復中書應俟各項人員補用二缺之後

補用一人

嘉慶二十二年十一月奉

上諭御史馮清聘奏考試中書應令該旗叅佐領赴場
認識一摺所奏是滿洲蒙古漢軍考試繙譯舉人童
生俱有臨場認識之例其考試中書自應一體辦理
以杜假冒頂替之弊嗣後滿洲蒙古漢軍考試中書
除該旗叅領佐領出具圖結外臨考之日仍令該叅
佐領赴場識認以昭嚴實著爲令欽此應欽遵

諭旨恭纂入例

擬補中書未經引 見出缺

一內閣滿洲蒙古漢軍中書缺出例應按班擬補之員有於擬補後未經引

見適遇事故扣除者卽作爲過班積缺按班以其次之員擬補不復還班

陵寢關防郎中

一

陵寢掌關防郎中缺出由吏部行文

陵寢各衙門將俸深郎中調取一員並行文各部院於

郎中內各揀選一員出具考語保送

不得以無員保

送聲到部一併帶領引

見恭候

欽定其保送人員於引

見時咨報患病者照侍班不到例議處再遇此項缺

出仍以該員保送如有連次患病告假者卽

照例叅辦以杜規避

理藩院堂主事

一理藩院滿洲蒙古堂主事員缺由理藩院於

題署主事內每缺揀選二員如題署主事或有出差事故不足二員於

京察一等筆帖式內揀選擬定正陪出具考語移咨吏部查覈由該衙門帶領引

見補授所遺題署主事員缺先儘一等筆帖式揀選正陪亦移咨吏部查覈

侍衛衙門主事

一侍衛衙門實缺主事三缺遇有缺出由該衙門將應陞之委署主事內揀選正陪引

欽定吏部則例

卷之三

金邊沙官員夫

見補授品俸三年期滿預行咨報吏部註冊俟有各

部院衙門員外郎缺出卽行陞用委署主事

三缺由該衙門於正掌稿筆帖式內揀選補

放正掌稿筆帖式員缺由副掌稿筆帖式內

揀選補放

京學教授訓導

順天府滿洲教授訓導各一缺教授缺出先

由吏部將大挑二等之滿洲舉人按科分名

次指擬一人引

見補授一次次由吏部將滿洲進士舉人考取正陪

咨送吏部引

見補授一次訓導缺出先由吏部將大挑二等滿洲

舉人按科分名次指擬一人引

見補授一次次由禮部將滿洲貢生考取正陪咨送

吏部引

見補授一次

輪用考班時八旗報考無人如考取尙有一人卽以一人擬補若考取無人卽

行過

其大挑一等之滿洲舉人分發各省試

用甄別以教職用者仍歸二等舉人班內接

科分名次一體按班補用至大挑二等之內
務府滿洲舉人專用科甲小京官詳仍不准
其以教授訓導補用

助教教習

考補國子監助教

一國子監滿洲助教員缺將大挑二等滿洲舉
人與考取

記名人員相間輪用吏部查看考取人員將次用完
其餘賸不過一二人卽酌量日期先行奏考

屆期將應陞應用人員傳齊奏請

欽點大臣覈定赴考人數分別在

天安門外朝房貢院內考試

如人數已足二百名照舊歸入貢院辦理

其人數不足二百名而巳在一百
名以上者亦歸入貢院以昭嚴密
擇文錄取
覆試之先一日出圍示令錄取之員通知該
參佐領於次日覆試點名時入場認識如有
假冒惟認識官是問儻認識官
臨期不到卽將認識官叅處
交與吏部帶

領引

見請

旨記名註冊遇有缺出先用大挑二等滿洲舉人一

人次用考取

記名一人大挑二等人員按科分名次先後指擬一

人引

見補授考取

記名人員按考取名次先後題補其大挑一等滿洲

舉人分發各省試用甄別以教職用者仍歸

於二等舉人班內按科分名次補用至大挑

二等之內務府滿洲舉人

專用科甲小京官詳載滿洲月選例

內仍不准其補用其考試助教人員內有年

未三十歲者不准考試至現任

陵寢筆帖式亦不准其考試俟年滿回京後方准列入

考試再考取

記名助教人員未經得缺之先停其在額外行走

盛京禮部助教考補並期滿候陞

一

盛京禮部助教四員由

盛京禮部會同

盛京兵部

題請

欽頒試題

將本處筆帖式及

由吏部馬遞飛送

欽定吏部則例

卷之三

銓選滿洲官員

九

舉人貢生副榜傳齊按缺考取咨送吏部註
冊俟有缺出挨次引

見補授四年期滿如果才學兼優准該堂官出具考
語保題到部其由科甲出身者與在京科甲
助教論俸陞用漢字堂主事其並非科甲出
身者與吉林年滿保題倉站等官較年滿日
期先後以京城主事等官陞選入缺之後陞
用其由漢軍人員考補者四年期滿保題到
部單月遇有

盛京刑部堂主事大理寺寺丞與各項議敘人員
較奉

吉日期先後陞用雙月遇有漢司主事缺出入於漢
軍班次俟漢軍俸滿陞用一員之後將助教
陞用一員平等之員仍與贊禮郎讀祝官筆
帖式一體較俸陞用本處主事其有情願改
補武職者以本處武職補用咨送兵部辦理
考補唐古忒學助教諭俸候陞

一唐古忒學蒙古助教一缺由理藩院於應用

人員內考選唐古忒字話好者擬定正陪咨
送吏部帶領引

見補授與理藩院衙門出身之員一體論俸以理藩
院應用之缺陞用

咸安宮教習考取擬補

一

咸安宮教習由禮部於各部院衙門現任筆帖式
及舉貢生員並繙譯生員內如有精通繙譯
者考試校取試卷進

呈

欽定俟有缺出按名補用現任之員仍食原俸毋庸
開缺三年期滿該管官分別等第帶領引

見後行文吏部照各學教習之例銓補再應考教習
人員內有內務府人員概不准其考試

考補國子監蒙古助教

一國子監蒙古助教員缺出理藩院於本院及
修書處筆帖式國子監閒散蒙古教習並中
式蒙古文字之繙譯進士舉人內會同該監

欽定吏部則例

卷之三

鑲黃滿洲官員

主

公同考試擇其繙譯精通滿洲蒙古字話好者擬定正陪咨送吏部帶領引

見補授

天文生充補教習期滿陞補博士

國子監滿洲蒙古教習由天文生充補者三年期滿該監帶領引

見如奉

旨著照例用應專以欽天監滿洲蒙古博士陞用

吉林助教

一吉林助教二缺由該將軍於本處有品級無品級筆帖式內擬定正陪咨送吏部引

見請

旨簡用一員補授

補授後即將底缺
開除另行揀補

其餘一員應否

記名恭候

欽定其

記名之員遇缺咨補毋庸再行送部引

見四年任滿該將軍出具考語具題到部由八品筆

帖式補授者以京城主事等官用由無品級

欽定吏部則例

卷之三 銓選滿洲官員

三

筆帖式補授者以京城正從七品小京官用
俱歸於雙月推陞五缺之後較年滿日期先
後陞用一人由蒙古無品級筆帖式補授者
以內閣蒙古中書用歸於不論雙單月無論
是否積缺五缺之後較年滿日期先後補用
一人其有無力移產來京者准其以本處武
職改用其由漢軍人員補授者四年期滿如
該將軍保題到部單月遇有

盛京刑部堂主事大理寺寺丞缺出與各項議敘

人員較奉

吉日期先後陞用雙月遇有漢司主事缺出入於漢軍班次俟漢軍俸深陞用一員之後將助教陞用一員如係平等之員及無力移產來京者俱以本處武職改補咨送兵部辦理

理藩院等衙門司庫

一理藩院司庫員缺令各部院衙門各揀選俸深筆帖式一員太常寺司庫員缺行取太常寺一等筆帖式各部院一等筆帖式各出具

考語保送吏部由吏部將九卿開列職名奏
派揀選其理藩院司庫於俸深筆帖式內揀
選二三人太常寺司庫於該寺一等筆帖式
內揀選一員部院一等筆帖式內揀選一員
俱交與吏部帶領引

見恭候

欽定補授

太常寺寺丞

一太常寺寺丞員缺由該堂官於本衙門博士

典簿讀祝官贊禮郎司庫筆帖式內先儘

京察一等人員題陞如一等無人方准於二等人

員內揀選擬定正陪帶領引

見補授

贊禮郎等缺

揀補太常寺等衙門贊讀等官缺

一太常寺讀祝官贊禮郎並

陵寢讀祝官贊禮郎及鴻臚寺鳴贊員缺太常寺移咨

吏部行文各該處無論文武官員由八旗護

軍校驍騎校前鋒護軍親軍領催及各部院衙門現任筆帖式候補筆帖式庫使恩監生滿洲舉人副榜貢生官學生捐納監生生員拜唐阿騎都尉以下散職官員並東三省新滿洲烏拉齊人等咨送太常寺令該寺先行擬定日期將應行予挑人數概行傳齊屆期奏請

欽派大臣俟

派出後卽於本日會同該衙門揀選聲音清亮舉止

安詳者引

見補授俱作為七品食俸給以六品頂戴由宗室人

員補授者仍戴宗室四品頂戴

太常寺實缺贊禮郎讀祝

官共三十六缺內酌分贊禮郎二缺讀祝官

一缺並於

兩陵原設額缺內酌分贊

禮郎各二缺讀祝官各一缺均作為宗室額

缺由宗室學習贊讀等官揀選引

見補

授所遺宗室學習員缺再行如係文武官員

文宗人府傳宗室人員揀選

補授者仍令其在原任上行走

揀補太常寺學習贊讀等官

一太常寺學習讀祝官八缺學習贊禮郎十缺

此十八缺內酌分二缺並添設學習贊禮郎
四缺學習讀祝官三缺均作爲宗室額缺遇
有缺出由該寺分別額缺咨取應挑人員揀
選引

見補放如係宗室額缺由閒散宗室挑補者仍戴宗
室四品頂戴食本身養贍錢糧餘俱給予九
品頂戴食原錢糧

遇贊禮郎等官缺出分
別缺分仍准一體予挑其

有請習典禮敬謹將事三年期滿該寺堂官

甄別帶領引

見如果聲音洪亮准其留寺俟有缺出先儘補授若
唱贊平常不堪造就卽行黜退不准在寺行
走所遺之缺分別缺分另行揀補如該寺贊
讀等官缺出並無已滿三年合例人員亦准
將學習未滿三年人員揀選帶領引

見請

旨署理先給予六品頂戴

宗室仍戴四品頂戴

仍扣滿三年咨

部實授方准食俸所遺學習之缺另行照例
揀補其鴻臚寺添設學習鳴贊六員一切陞

補俱照太常寺學習人員之例辦理

讀祝等官

一

盛京禮部讀祝官贊禮郎員缺由本部挑取本處
應用人員咨送太常寺與在京應陞人員一
同唱贊揀選好者帶領引

見補授此內如係本處人員仍論俸陞用本處主事
至補授讀贊等官後食俸已過十年如有情
願改補防禦武職者送部引

見吏部查與冊載相符轉咨兵部覈辦

戶部三庫並寶泉寶源局大使

一戶部三庫大使四員由各部院衙門於現任
滿洲筆帖式內各揀選保送一員由該庫堂
官每缺揀選二員帶領引

見調補三年期滿以原銜在所換筆帖式上行走俟
有本旗缺出補用寶泉局大使五員由戶部
堂官於本部筆帖式內揀選補授工部寶源
局大使二員由工部會同戶部於工部筆帖

式內揀選補授俱移咨吏部註冊三年期滿
更換均停其保題俟年滿時卯錢均能如式
由該堂官出具考語帶領引

見請

旨予以陞途或尙須留任恭候引

見後卽令先換頂戴如三年任內三次卯錢不如式
者移咨吏部停陞俟一年卯錢如式咨部開
復儘至四次卯錢仍不如式卽撤回原衙門
當差仍行停陞一年

盛京等部司庫

一

盛京戶部司庫缺出吏部行文在京各衙門於

京察一等筆帖式內各保送一員其刑工二部司

庫缺出出在京各衙門揀選二等筆帖式各

保送一員咨送過部由吏部開列九卿職名

奏派揀選擬定正陪交與吏部帶領引

見陞授三年任滿該堂官查明該員等任內經手錢

糧並無虧短出具考語咨部註冊以在京司

欽定吏部則例

卷之三

吏部

庫並司庫對品小京官缺出調補如三年任內遇伊應陞時以陞銜留任仍以陞銜較俸陞轉所遺司庫員缺另行揀選

刑部司獄並提牢官

揀補司獄期滿候陞

一刑部司獄四員由刑部堂官於本部筆帖式內揀選補授其筆帖式員缺不必開選移咨吏部註冊三年期滿令其仍回筆帖式原任保送吏部候陞

揀補提牢期滿陞補

一刑部提牢官一員由本部堂官於額外及捐納分部主事並試俸之實缺主事內一體揀選二員擬定正陪帶領引

見請

旨簡用管理一年期滿果能稽察防範勤敏無過俟期滿後仍由該堂官具奏移咨吏部額外及捐納分部者遇缺具題補授補用班次詳各衙門留缺條內試俸者准作實俸其捐納分部之員未經期

滿題補之先如捐納本班輪選到班仍准按班銓選至前項無人及前項人員實不勝任始准於無試俸之實缺主事內揀選管理一年期滿果能勤敏無過以該部員外郎應題之缺聽該堂官儘先奏請陞補不得奏補選缺內務府官員

一內務府官員缺出俱由內務府將應用人員擬定正陪引

見補授不准於外旗滿洲員缺論俸陞轉

欽天監所屬官員

一欽天監滿洲監正缺出由欽天監將滿洲左

右監副一併咨送吏部帶領引

見補授毋庸分別正陪

如遇左監副無人或右監副無人再將應陞監副之五官

正揀選

左監副缺出由右監副轉補右監副

缺出由欽天監將應陞人員較俸擬正揀選

擬陪咨送吏部帶領引

見補授如有

京察一等者與俸深人員相閒輪用

輪用京察一等人員照

俸深之例將一等人
員擬正揀選擬陪 其滿洲五官正以下漢

軍秋官正以下俱由欽天監將應陞人員陞

補俱先用

京察一等等一次用保題一次再用俸深一次相

開輪用

輪用 京察俸深到班應以本項擬正揀選擬陪輪用保題即行擬補并

庸擬陪

蒙古博士二缺一歸蒙古筆帖式內揀

選保題一由蒙古天文生內較俸陞用亦擬

定正陪其滿洲蒙古漢軍食俸天文生如遇

本科應陞到班先儘考列二等者較俸與本

科保題人員相開輪用俟二等用完再將考
列三等人員較俸陞用其由候補筆帖式借
補天文生人員應與算學生一體考試擬定
名次咨部註冊後方准一體陞用至滿洲蒙
古漢軍候補天文生有中式文舉人者准其
遇有博士缺出由欽天監酌量與應陞人員
揀選補用其中式繙譯舉人者仍以天文生
補用食七品俸以上陞補各缺俱咨送吏部
查覈後由該監自行帶領引

見補授其由部應陞員外郎之監副應陞主事之五

官正遇有

京察一等引

見記名者准其與俸深應陞人員相閒輪用未經
記名者仍照例陞轉其由該監題陞各員如有

京察一等及保題人員仍與俸深人員按班輪用

輪用 京察一等俸深人員應以本項擬正
揀選擬陪輪用保題卽行擬補毋庸擬陪

太僕寺主簿

一太僕寺主簿員缺由太僕寺於本衙門筆帖

式內揀選正陪出具考語咨送吏部引

見補授

王府官員照咨補授

一王府官員缺出由王府咨送補授

五旗固山達照咨補授

一五旗弓匠固山達員缺出該旗咨送補授

盛京刑部蒙古主事

一

盛京刑部蒙古主事缺出吏部行文內閣六部理

三二
藩院都察院太僕寺國子監欽天監於蒙古
小京官筆帖式內揀選能辦事者咨送吏部
由吏部將九卿並理藩院堂官職名開列奏
派揀選擬定正陪交與吏部帶領引

見授爲主事職銜三年無過該處堂官保送吏部帶
領引

見作爲主事仍回本任再滿三年以京城各部院主
事分別調補如由中式蒙古文字出身人員
命往者期滿調京專以理藩院主事補用

盛京將軍等衙門主事

盛京將軍衙門管檔主事一缺作爲題缺由該將軍於所管滿洲筆帖式內揀選擬定正陪咨送吏部帶領引

見補授如所管滿洲筆帖式內有保舉以管檔主事陞用補用准其與現任應陞人員由該將軍一體酌量揀選擬定正陪陞補如非該將軍衙門所管之筆帖式雖有保舉仍不准其揀

欽定吏部則例

卷之三

吏部則例卷之三

選陞補又黑龍江將軍衙門管檔主事一缺

吉林將軍衙門管檔主事一缺銀庫主事一

缺

新設

均各積各缺不分滿洲蒙古漢軍

勞績應陞

相開輪用先由該將軍將勞績保舉以本省主事

陞用補用業經赴部引

見之員按保舉先後指擬一人奏請陞補毋庸再行

送部引

見

如保舉後尙未赴部引見之員遇有缺出不准陞補

次由該將軍將本處

應陞京缺主事之年滿助教總站官倉官並

現任助教總站官倉官及有品級筆帖式一

體酌量揀選擬定正陪咨送吏部帶領引

見補授其無品級筆帖式不准列入揀選黑龍江銀
庫主事一缺先由該將軍將勞績保舉以本
省主事陞用補用業經赴部引

見之員按保舉先後指擬一人奏請陞補毋庸再行
送部引

見如保舉後尙未赴部引
見之員遇有缺出不准陞補
次將滿漢文理精通

年滿候補京缺之員揀選陞補一次送部引

見補授如前項無人山在京六部堂官各揀選

京察一等筆帖式一員保送

不得以無員保送聲覆

吏部引

見補授其保送人員於引

見時咨報患病者照侍班不到例議處再遇此項缺

出仍以該員保送如有連次患病告假者卽

照例叅辦以杜規避其理刑司主事一缺作

爲幫印先由該將軍將滿洲蒙古勞績保舉

以本省主事陞用補用業經赴部引

見之員按保舉先後指擬一人奏請陞補毋庸再行

送部引

見如保舉後尙未赴部引次由該將軍將滿漢

文理精通年滿候補京缺之員揀選陞補一

次咨送吏部引

見補授如前項無人由刑部理藩院於筆帖式內不
分滿洲蒙古詳加揀選辦事諳練熟悉刑名
之人各保一員帶領引

見補授以上各缺均扣滿五年與在京主事等官及
理事同知通判一體較俸陞轉不准其調補

京缺如有漢軍人員補授者五年期滿報部

註冊歸於在京漢主事班內以在京漢員外

郎陞用

陞用班次詳載漢月選例

黑龍江將軍衙門理刑員外郎等缺

一黑龍江將軍衙門理刑員外郎一缺專司掌

印

新設

由該將軍於本處管檔理刑銀庫主事

內不分滿洲蒙古詳加揀選辦事諳練熟悉
刑名之員擬定正陪咨送吏部帶領引

見請

首簡用一員補授如本處主事不得其人咨行吏部
轉咨刑部理藩院於滿洲蒙古主事內詳加
揀選出具考語各保一員不得以無員咨送
吏部帶領引

見請

旨簡用一員補授均俟五年期滿咨部註冊與在京

員外郎一體較俸陞轉不准其調補京缺理

刑主事一缺原設作為幫印

揀選陞補詳載盛京將軍等衙門

主事六品頂戴委署主事二缺專司主稿新設

由該將軍於將軍等衙門筆帖式內詳加揀選出具考語擬定正陪咨送吏部帶領引

見請

青簡用一員補授毋庸定以年限與倉屯站官筆帖式一體揀選陞補本處主事仍咨送吏部帶

領引

見補授

盛京刑部司獄

一

盛京刑部司獄員缺由該部於滿洲筆帖式內擇其人謹飭辦事勤慎者揀選一員送部引

見補授仍食原俸管理五年期滿仍回原任

所遺司獄員缺

另行該堂官查明該員任內並無事故出具

考語咨部註冊俟有

盛京應陞之本處主事缺出歸於單月陞選三缺之後陞用一人

熱河都統衙門辦事司員

一熱河都統衙門設立隨同辦事司員一員缺

欽定吏部則例卷之三

出由吏部行文理藩院於滿洲蒙古現任司

員郎中員外郎主事內揀選二員咨送吏部帶領引

見請

旨飭派一員前往三年期滿照例更換如果辦事妥

協准該都統出考保奏送部引

見候

旨陞用儘不能稱職卽隨時叅奏撤回另請揀員更

派其辦事漢司員由刑部揀選咨送吏部帶領引見請旨揀派例載漢官揀

選條內

吉林將軍衙門理刑司掌印司員

一吉林將軍衙門添設刑司掌印滿郎中一員

缺出由吏部行文刑部於滿洲蒙古現任郎

中內揀選二員

不得以員外郎揀選

咨送吏部帶領引

見請

旨簡派一員前往專司掌印三年期滿照例更換如

果辦事妥協由該將軍出具考語送部引

見請

旨給予加一級外從優再給予加一級儘不能稱職

欽定吏部則例

卷之三

銓選滿洲官員

三

隨時奏請更換

其漢司員派往之處
詳漢官揀選例內

同治三年十一月奉

上諭前因陞任內閣侍讀學士于凌辰奏吉林獄訟繁多請專設理刑大員辦理刑名當經諭令阜保查議具奏茲據阜保奏稱吉林地處邊陲若添設監司大員則建立衙署及廉俸等項所費不貲請照熱河設立刑司之例酌加變通等語著照所請卽由刑部揀選滿郎中一員專司掌印等因欽此欽遵恭纂入例游牧員外郎王事等官陞轉

一由京補放八旗游牧司員

每旗二缺共十六缺由京補放八員

由該總管補放八員

缺由理藩院於部院本旗蒙古

主事小京官中書筆帖式及候補學習主事

內嚴行考試揀選滿洲蒙古文理好辦事去

得者咨送吏部帶領引

見補授又八旗公缺游牧司員一缺亦由理藩院照

例將八旗蒙古應考人員考取擬定正陪咨

送吏部帶領引

見補授由主事補放者卽授爲員外郎各論俸陞轉

欽定吏部則例

卷之三

銓選滿洲官員

五

由小京官中書筆帖式候補學習主事補放
者授爲主事三年無過該總管咨報該都統
保題實授員外郎歷員外郎任五年期滿令
該總管出具考語咨報該都統咨部註冊後
遇有理藩院太僕寺蒙古員外郎缺出無論
保題陞選補用二缺後將年滿游牧員外郎
諭俸調補不論由何衙門出身補放之員年
滿時專以理藩院太僕寺員外郎
之缺調補不得調補六部之缺至由主事年
滿實授員外郎歷任未滿五年有因迴避回
京另補者應以理藩院太僕寺先行掣分行
走接算前俸扣足五年由該衙門咨部註冊

列入調京人員內按期繕日期以蒙古員如
外郎缺出無論保題陞選二缺之後選用如
五年內遇有應陞缺出以陞銜留任仍以陞
銜較俸陞轉山本處補放游牧司員缺出令
該總管於本處驍騎校護軍校閒散官員筆
帖式內揀選人去得者保送理藩院帶領引
見補授如保送之人平常者將京城本旗通曉滿洲
蒙古字話之護軍校驍騎校護軍內揀選辦
事去得者亦由理藩院帶領引

見補授於本處陞轉不得調京

驛站監督

盛京五路驛站正副監督各一員由

盛京五部堂官於郎中員外郎主事內公同揀選

人去得能管理者各一員出具考語題請補

授管理三年令

盛京戶部兵部會同查站副都統查明該員果能

整飭驛務錢糧不致浮冒保題到日由兵部

移送吏部照例議敘

議敘之處詳載驛站監督議敘條內如有

浮冒錢糧廢弛驛務等事題叅治罪至在京人員有已滿三年出咨者照關口章京之例卽停其揀選將未經報滿之員揀補三年期滿仍接從前到部日期與

盛京五部司員同較年滿日期先後以京缺調補三年之內如遇論俸應陞時以陞銜留任仍以陞銜較係

調補驛站官員

一張家口喜峯口獨石口殺虎口古北口薺爾

烏蘇管站司員缺出由理藩院於本院員外郎主事筆帖式內揀選帶領引

見派往管理三年期滿由該都統察其行走好者出具一等考語送部引

見准其加一級平常者出具二等考語咨部照例更換其派往之員俱不必開缺俟差滿仍回本任

驛站官員

一吉林總站官黑龍江驛站官員缺

各積各缺

先將

勞績保舉以本省站官陞用補用業經赴部引

見之員按保舉先後指擬一人咨部補放毋庸再行

送部引

見如保舉後尙未赴部引次由該將軍於本處見之員遇有缺出不准陞補

倉官筆帖式內每缺揀選二員擬定正陪出

具考語咨送吏部引

見請

吉簡用一員補授

吉林總站官於補放後卽其餘一將底缺開除另行揀補

員應否

記名恭候

欽定其

記名人員遇缺咨補毋庸再行送部引

見吉林總站官由倉官八品筆帖式補授者授爲七

品由無品級筆帖式補授者授爲八品四年

任滿該將軍出具考語咨部註冊七品官以

京城主事都察院都事經歷大理寺寺丞光

祿寺署正缺出陞選入缺後陞用一人八品

官以京城正從七品小京官缺出陞選六缺

後陞用一人如有無力移產不能來京情願

改補本處武職員缺者准其照倉官之例移
咨兵部辦理其由漢軍人員補授者四年任
滿以驍騎校陞補不准陞用文職至黑龍江
驛站官授爲六品無論滿洲漢軍人員補授
四年期滿俱令離任以本處驍騎校用

威遠堡等關口章京

一威遠堡等六關口各設章京一員由

盛京兵部會同

盛京將軍於五部員外郎主事小京官內每部保

欽定吏部則例

卷之三

銓選滿洲官員

三

送一員註冊遇有缺出卽在所送之五員內

籤掣奏補

如所送之員未經掣出遇有事故仍咨本衙門補送一員用竣一週

再行若係本處人員掣補者俱以原衙管理

咨取本身員缺毋庸開選二年期滿各回原任至

在京人員應以未滿三年者保送掣補

已滿三年

出咨者免其保送其保送之員未經掣補已屆年滿應行調京者亦卽停其掣補仍令該衙門補送期滿之日所有在部行走日期准一員註冊

其接算三年與

盛京五部司員同較年滿日期先後以京缺調補

如在一年以下俟關口章京二年期滿仍回
原衙門辦事扣足三年再行調京若二年內
遇有應陞缺出以陞銜留任卽以陞銜較俸
再關口章京年滿仍令

盛京兵部會同

盛京將軍查明該員果能奮勉効力者保題到部
吏部按該員原銜議敘如尋常供職者咨明
吏部回任或以應得之缺補用如有怠忽廢
弛等事卽行題叅

欽定吏部則例 卷之三

盛京銀庫監督

一

盛京戶部銀庫掌關防監督一員由在京部院堂

官揀選郎中出具考語咨送

不得以無員吏保送聲覆

部帶領引

見恭候

欽點管理三年另行更換其保送人員於引

見時咨報患病者照侍班不到例議處再遇此項缺

出仍以該員保送如有連次患病告假者卽

照例叅辦以杜規避

嘉慶九年八月奉

上諭據富俊德文奏盛京銀庫關防郎中一缺接准部議由奉天省各部郎中內揀選正陪送部請簡現在奉省郎中合例者僅有二員均不勝掌庫之任請仍遵舊例辦理等語盛京銀庫郎中管理東三省一應錢糧及庫貯帑項有綜覈出納之責既據奏稱現在奉省各部郎中難得其人著照所請仍照舊例命在京各部堂官於所屬郎中內屆期保送一員帶領引

欽定吏部則例

卷之三

銓選滿洲官員

畢

見候朕簡派發往更換但在京各部堂官每遇保送
此項人員時於平素得力之員自應留部辦事而庫
務關繫緊要亦必須於較次司員內慎重選擇務期
得人方克勝任儻有以年力衰邁才具平常之員濫
行保送者經朕察出必將原保之各該堂官議處所
有現任銀庫郎中寧泰著毋庸撤回欽此應欽遵

諭旨恭纂入例

盛京銀庫副關防

盛京戶部銀庫副關防一缺作爲公缺二年一次
更換由該部行文

盛京各部於京員郎中員外郎主事內各揀選保
送明白勤慎者一人會同將軍副都統各部
侍郎公同揀選一員仍由該部具奏令其協
同管理庫務其有已滿三年出者照關口
章京之例卽停其揀選將未經報滿之員揀
補二年期滿准其接算從前在部行走日期
調京或未滿三年令其仍回原任俟年滿時

再以京缺調補

壇

廟等處守看官

一守看

太廟四品官員缺由各處五品官與休致之三四品京

堂及四品翰詹官員分缺閒用

以上休致各員作爲一班

如無休致人員仍專以五品官揀補五品官員缺並

天壇

地壇

社稷壇五品官各一缺由各處六品官與休致之三四

五品京堂及四五品翰詹官員並科道郎中

員外郎分缺開用

其翰詹休致人員時先用京堂翰詹一次再用科道

部屬一次如輪用本班無人卽行過班俱由儒各項俱無人仍專以六品官揀補

太常寺揀選正陪咨送吏部帶領引

見補授其各處六品官員缺按旗補用行文該旗將

年陳曾經出兵人員論其勞績擬定正陪如

無出兵人員在於應陞之降調人員與印務

筆帖式並休致之科道司員暨叅領以下等

欽定吏部則例

卷之三

銓選滿洲官員

聖

官俱准酌量揀選

如無前項人員始准於擬革職人員內一體揀選

定正陪咨送吏部堂官驗看補放至降級之

員如有情願以

壇

廟官補用者准其照所降之級對品補用

不得呈請降等卽於

候補冊內查銷不准再行銓選守看

堂子

皇史歲官並朝鮮通事員缺由禮部及該旗開送

正陪移咨吏部五品以下引

見補授六品以下驗看補放

道光十三年三月奉

上諭昨因

太廟五品官缺出輪用休致人員經太常寺擬定正陪
由吏部帶領引見朕見擬正之海興阿步履艱難至
不能起跪已將擬陪之豐仲祿補放矣此項人員雖
例以休致各員閒缺補用惟

壇

廟地方均有稽查守護之責亦必精力未衰拜跪如常

者方可勝任嗣後遇有此等缺出輪用休致人員時
著太常寺堂官詳慎揀選不得以衰頹之員濫行保
送欽此欽遵恭纂入例

盛京各處六品官論俸

陞補 大政殿六品官論俸候陞主事

一看守

大政殿六品官一缺由

盛京工部於

盛京各部衙門滿洲漢軍筆帖式內揀選歷俸年

久當差勤慎之人擬定正陪各送吏部帶領引

見請

旨簡用一員補授其餘一員應否

記名恭候

欽定如蒙

諭旨准其

記名遇缺坐補毋庸再行送部引

見仍與現任筆帖式諭俸陞用主事

管莊六品官委署六品官

一

盛京戶部管莊六品官二員遇有缺出由該將軍
會同各部侍郎於各處有品級無品級筆帖
式並

陵衙門筆帖式內每缺揀選二員擬定正陪咨送吏
部帶領引

見恭候

簡用一員補授其餘一員應否

記名恭候

欽定如蒙

諭旨准其

記名遇有缺出咨補毋庸再行送部引

見五年期滿如果預備

陵寢祭品應付過往差使以及每年催徵糧石管束官

莊俱能實力辦理准該堂官出具考語保題

陞用吏部具題奉

旨之後遇有

盛京本處主事缺出與各項卽用人員較日期先

後陞用又委署六品官一員專辦新收喇嘛
壯丁事件如遇缺出卽於戶部筆帖式內揀
選試委暫換六品頂戴仍食原俸如果勤能
稱職准其遇有本衙門應陞缺出儘先補用

陞補 盛京禮部六七品官

盛京禮部千丁處設有六品官一缺由

盛京禮部將現在七品官咨送吏部引

見補授七品官缺出由該部於外郎領催內揀選正

陪咨送吏部引

見補授並無陞轉

陞補 盛京工部五品官

一

盛京工部設有燒造五料五品官一缺係候姓世襲遇有缺出由

盛京工部將候姓族內揀選熟習釉水通曉燒造之人擬定正陪咨送吏部引

見補授並無陞轉

陞補 盛京工部六品官

一

盛京工部設有管理五匠六品官一缺管理各項匠役成造一切應用物料遇有缺出由該六品官本屬下外郎領催內揀選能曉滿漢字義堪以管理匠役之人擬定正陪咨送吏部引見補授並無陞轉

奉天等處倉屯等官

一奉天吉林等處各倉倉官及黑龍江倉屯等

官員缺

各積各缺黑龍江屯官補放後授為六品

先將勞績保舉

以本省倉屯等官陞用補用業經赴部引

見之員按保舉先後指擬一人咨部補放毋庸再行

送部引

見

如保舉尚未赴部引之員遇有缺出不准陞補

見

次由將軍副都統五

部堂官於各本處有品級無品級筆帖式內

每缺揀選二員擬定正陪出具考語咨送吏

部帶領引

見請

金史卷之三
三
旨簡用一員補授其餘一員應否

記名恭候

欽定其

記名人員遇缺咨補

至咨補吉林等處倉官有因無力移產情願調補本處當差者

准其照武職官員調回本處當差之例互相

調補就近當差如吉林人補三姓倉官三姓

人補吉林倉官

互相對調之類毋庸再行送部引

見其筆帖式員缺不必開選四年任滿如居官好該

堂官保題到部奉天倉官歸於單月遇

盛京主事缺出將本處人員陞用三缺後陞用一

人其黑龍江倉屯官吉林等處倉官與應以
主事陞用之年滿吉林總站官通較年滿日
期先後遇京城各部院主事都察院都事經
歷大理寺寺丞光祿寺署正缺出陞選入缺
之後陞用一人漢軍人員單月遇有

盛京刑部堂主事大理寺寺丞缺出與各項議敘
人員較奉

旨日期先後陞用一人雙月遇有漢司主事缺出入
於漢軍班次之內俟漢軍俸深陞用一員之

後將倉官陞用一員若係尋常供職之員堂
官出具考語咨部註冊令其仍回筆帖式原
任俱以在京各項小京官員缺於雙月分推
陞三缺之後擬用一人如有情願在本處候
陞者准其入於本處俸冊內以本處應陞之
缺陞用其有無力移產不能來京情願守候
本處武職員缺者與預行保舉之領催等一
併咨送兵部帶領引

見俟奉

旨記名後以本處驍騎校員缺令該將軍酌量與
記名之領催一併陞補

各處新疆辦事司員

揀派北路烏里雅蘇臺內閣等處章京

一北路烏里雅蘇臺額定內閣章京一缺戶部
章京一缺兵部章京一缺理藩院章京一缺
三年期滿由該將軍咨請更換到部吏部咨
取各該衙門每缺照例保送二員帶領引

見請

欽定吏部則例

卷之三

銓選滿洲官員

番

青簡用一員派往科布多額設章京三缺其辦理蒙
古事件兼驛站牧務一缺由理藩院揀選熟
悉蒙古話之員保送二員帶領引

見請

青簡用一員派往糧餉章京一缺由吏部於各衙門
筆帖式內帶領引

見請

青派往作爲委署主事均三年期滿奏請更換印務
處章京一缺由本處筆帖式委署主事內保奏

賞銜頂補七年期滿照例更換如不得人仍請派京

員由理藩院保送一員帶領引

見派往三年期滿更換

陞補南路回疆各城章京

一南路回疆各城章京十九缺

喀什噶爾葉爾羌喀喇沙爾庫

車阿克蘇烏什和闐掌印章京各一缺喀什噶爾回務章京一缺

均由吏部

於各衙門現任筆帖式內

英吉沙爾滿印房兼管回務章京一

缺

由吏部於六部現任筆帖式內帶領引

見派往

喀什噶爾經牧章京一缺巴爾楚克由叅贊糧員一缺喀喇沙爾夷回章京一缺

大臣於八城駐防筆帖式內保奏

賞銜頂補七年更換

喀什噶爾葉爾羌烏什阿克蘇庫車喀喇沙爾糧餉章京各一

缺葉爾羌經牧章京一缺

均用在京廢員由軍機處請

旨派往如廢員無人由軍機處知照吏部於筆帖式

內引

見派往並准該大臣將發往効力人員奏請補用

道光二十六年八月奉

上諭前據薩迎阿奏請添設印房回務章京當交軍機大臣會同該處議奏茲據奏稱英吉沙爾臨邊臺卡

甚多地方亦屬緊要自應添設章京以專責任英吉
沙爾著准其添設章京一員卽專用六部筆帖式毋
庸用起廢人員餘著照所議辦理欽此

陞補西路伊犁等處章京

一西路伊犁等處章京二十缺內印務五缺

伊犁

二缺一用京員一用本處人員烏魯糧餉五

木齊二缺哈密一缺俱用本處人員

缺伊犁四缺一用京員一用本處人員二缺
用在京廢員烏魯木齊一缺用本處人員

駝馬三缺伊犁二缺一用在京廢員一用木
處人員烏魯木齊一缺專用京員

各按缺底更換如係京員之缺由吏部於各

衙門筆帖式內引

見派往作爲委署主事如係廢員之缺由軍機處請
旨派往如廢員無人由軍機處知照吏部於各衙門
筆帖式引

見派往均三年期滿更換如係本處之缺由該大臣
於本處筆帖式揀選奏請

賞銜頂補七年期滿更換如不得人仍請以京員更

換其管倉糧員七缺

伊犁四缺烏魯木齊三缺

由該處於

發往効力人員內奏請

實銜管理如無効力之員再請以在京廢員由軍機處請

旨派往均三年期滿更換不准以年滿印務章京調補
保送新疆章京由各衙門現任筆帖式按
缺保送

各處新疆章京專用京員之缺由吏部咨取
各部院衙門現任筆帖式其恩俸未滿三年及
京察三等之員概不准保送至本員年過六十歲
並親年七十五歲以及親年六十五歲之獨

子均免其保送應將年力富强通曉滿漢文
義者每衙門筆帖式額缺在十缺以上者各
保二員十缺以下者各保一員二十缺以上
至三十缺者各保三員以次遞推概不得以
無員聲覆由吏部將滿漢大學士九卿職名
吏部堂官會同
揀選毋庸開列奏請

欽派一經

派出卽於本日起

天安門外吏部

朝房公同考試揀選錄取二十員擬定名次交與吏部註冊遇有缺出吏部按考取名次每缺帶領三員引

見派往作爲委署主事其筆帖式毋庸開缺到任後三年期滿如果得力出色經該處大臣奏明咨部以主事卽選者歸於奉

旨卽用班內陞用遇有主事缺出照例具題補授卽照陞任食俸陞轉所遺筆帖式員缺歸於月分銓選其兵差員缺另行奏請更換仍俟新

任人員更替到日交代清楚再將年滿之員

給咨回京補行引

見如係平等之員咨回本衙門供職

烏里雅蘇臺等處章京期滿引 見

一由在京現任司員派往烏里雅蘇臺科布多
等處人員三年期滿辦事好該處大臣不得
保奏卽陞祇令出具考語給咨送部帶領引
見平等之員咨回本衙門供職

駐防筆帖式陞補章京期滿引 見

一木處駐防筆帖式內如有才具可以造就者
遇有相當缺出亦准各該處大臣保奏請

旨賞給主事職銜辦理章京事務七年期滿送部引
見如奉

旨照例用者照新進士之例分部行走三年期滿甄
別奏留以本衙門主事補用平等之員各部
銓選歸於不論雙單月陞選二缺之後選用
共有奉

旨以主事用者歸於不論雙單月五缺之後選用並

欽定吏部則例

卷之三

銓選滿洲官員

五

准其先行分部行走如七年期滿之員又經該處大臣以辦事得力奏請作爲額外主事再留三年者俟留辦期滿果能始終奮勉再行送部引

見請補主事實缺其奏留年分准其抵免分部行走
學習年分

廢員陞補章京期滿引 見

一由廢員

賞給主事小京官等職銜派往辦事並發往効力人

員奏請

賞銜頂補者三年期滿該管大臣專摺具奏吏部無論從前公私情罪將該員革職原案詳敘事由帶領引

見恭候

欽定如奉

旨照例用者按照所給職銜歸於不論雙單月五缺之後選用不准先行分部行走

郎中等官揀派章京仍戴原銜由筆帖式

欽定吏部則例

卷之三

銓選滿洲官員

卒

廢員派往戴六品頂戴回至內地仍戴

原銜

一派往各處辦事司員如由現在郎中員外郎主事並

賞給主事職銜人員均令戴用本職頂戴其由現任筆帖式派往者作爲委署主事戴用六品頂戴並廢員

賞給小京官職銜派往者悉准其加銜戴用六品虛頂俟差滿回至內地即將虛頂撤去仍用原

銜頂戴以歸覈實

庫倫印房司員暫戴翎銜

一庫倫印房司員由理藩院自行揀員奏請更換由理藩院郎中員外郎派往者准其戴用花翎由主事派往者准其戴用藍翎由筆帖式派往者准其戴用六品頂戴藍翎俟差滿回至內地即將翎銜撤去仍戴原銜頂戴如接替之員不能勝任及不服水土卽由該大臣隨時察看奏者更換

奏派揀選各堂官卽日赴挑

一揀選各項人員吏部先行擬定日期知會各衙門並將應挑人數概行傳齊除吏部堂官毋庸開列外將應行開列各堂官屆期奏請

欽派候

派出後卽於本日起

天安門外吏部

朝房會同吏部公同揀選如

派出揀選之堂官有遷延後期者吏部查明叅處

各衙門開送奏派堂銜

一嘉慶十一年四月奉

上諭本日吏部開列大學士九卿職名請旨派員揀選翰林院侍講國子監司業各缺一摺朕披閱單內刑部堂官俱未開列兵部堂官職名亦未全行列入當經詢問慶桂據稱吏部各取職名時兵部尙書明亮侍郎明志以現派考驗軍政刑部滿漢尙書侍郎以現辦減等俱未開送殊屬非是大學士九卿遇有應開列請簡等事均係職分所當然卽有別項差使

無難兼辦現在軍政考驗已將屆竣事刑部各堂官縱或簡派不過一二人於辦理減等事務有何耽延揀選不過片刻之事諸臣豈遂日不暇給乎明係藉詞推諉明亮長麟姜晟明志瑚素通阿周廷棟均著傳旨申飭嗣後遇有例應開列銜名請簡事件除實有別項差使不克分身者餘俱著通行開送毋得仍前陋習假託事端冀圖安逸其各體勉奉公用副朕整飭訓誡至意欽此又十九年六月奉

上諭向來部院各衙門遇有請派事件均將上屆派出

各員開列比較單呈覽此次考試拔貢禮部單開嘉慶七年派出搜檢王大臣內已故者十二員不應仍行開寫嗣後各衙門開列比較單著將上屆派出之員敘明共若干員聲明已故若干員扣除將現存者按名開單進呈欽此又道光二年九月軍機大臣面奉諭旨嗣後遇有奏派各項差使所有應行開列人員著全行開列其屆期另有差使者於各該員名下註明欽此欽遵恭纂入例